



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565-400; 565-401; 565-404
fax. +387 33 565-423
e – mail: jvp@bih.net.ba; info@voda.ba

Broj: UP-I-25-3-40-423-3/09
Datum: 30.11.2009 godine

«Agencija za vodno područje rijeke Save» Sarajevo rješavajući po zahtjevu «TRGO SANTOVAC» d.o.o. Srebrenik, za izdavanje vodne dozvole za ispuštanje tehnoloških otpadnih voda poslovnog objekta benzinske stanice sa pratećim sadržajima izgrađene u naselju Špionica Gornja, općina Srebrenik, na osnovu člana 109. stav 1., člana 139. stav 1. Zakona o vodama («Službene novine Federacije BiH», broj 70/06), i člana 200. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola «TRGO SANTOVAC» d.o.o. Srebrenik za ispuštanje tehnoloških otpadnih voda poslovnog objekta benzinske stanice sa pratećim sadržajima izgrađene u naselju Špionica Gornja na zemljištu označenom kao k.č. broj: 349 i 350/1, upisano u K.O. Špionica Gornja, općina Srebrenik.
2. Vodna dozvola se daje na osnovu činjeničnog stanja i pod slijedećim uslovima:
 - 2.1. Da se napravi projekat izvedenog stanja, s obzirom da je prilikom izgradnje predmetnog objekta u dijelu koji se odnosi na prikupljanje i tretman otpadnih voda došlo do odstupanja od rješenja predviđenih priloženom investiciono tehničkom dokumentacijom.
 - 2.2. Prema dostavljenom Elaboratu o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «TRGO SANTOVAC» d.o.o. Špionica, određeni parametri (nitriti - NO₂ i ukupni fosfor - P) su izvan dozvoljenih vrijednosti propisanih članom 3. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).

Zbog svega spomenutog nosilac zahtjeva se obavezuje da angažuje registrovanu projektantsku kuću koja će napraviti elaborat i izvršiti kontrolu funkcionalnosti postojećeg uređaja za prečišćavanje i dati adekvatna rješenja u cilju postizanja efekata prečišćavanja propisanih Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07) i da se u roku od **3 (tri) mjeseca** u skladu sa zaključcima spomenutog elaborata preduzmu neophodne mjere ili da se izvrši uklanjanje postojećeg i odabir i ugradnju novog separatora ulja i masti u skladu sa EN 858 sa automatskim zatvaračem i koalescentnim filterom.
 - 2.3. Da se ovoj Agenciji dostavi okolinska dozvola izdata od strane nadležnog Kantonalnog ministarstva.

- 2.4. Da se izvrši rekonstrukcija manipulativnih površina tako da se postojeće oštećene betonske površine presvuku novim slojem betona i izvrši nivelacija površina na način da se dobije pad prema postojećim slivnicima te obezbjedi nesmetano sakupljanje onečišćenih voda sa manipulativnih površina poslovnog objekta.
- 2.5. Da se izvrši izgradnja revizionog okna. Reviziono okno je potrebno izgraditi nakon uređaja za tretman tehnoloških otpadnih voda, a prije priključka na zacjevljeni putni kanal. Ovo reviziono okno predstavljat će okno za monitoring, odnosno mjesto na kojem će se vršiti kontrola kvaliteta ispuštene tehnološke vode (monitoring definisan tačkom 3.7. ovog rješenja).
- 2.6. **Rok za realizaciju uslova propisanih tačkama 2.1., 2.2., 2.3., 2.4. i 2.5. ovog rješenja je tri mjeseca od dana primanja ovog rješenja.**
- 2.7. Da korisnik poslovnog objekta za vrijeme trajanja ove vodne dozvole obezbjeđuje da se zauljene vode sa manipulativnih površina poslovnog objekta benzinske stanice nesmetano sakupljaju i odvođe do objekata predviđenih za tretman tehnoloških otpadnih voda, a zatim ovako tretirane vode ispuštaju u zacjevljeni putni kanal.
- 2.8. Objekte čija je svrha odvođenje i prečišćavanje onečišćenih voda (objekti za zaštitu voda od zagađivanja: separator ulja i masti, slivnici i rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.

Čišćenje i pražnjenje uređaja za tretman tehnoloških otpadnih voda, odnosno trokomornog separatora ulja i masti može vršiti isključivo ovlaštena firma za tu vrstu djelatnosti, prema posebnom ugovoru.

Korisnik je obavezan da redovno vodi dnevnik o pražnjenju i odvozu sadržaja separatora ulja i masti.

- 2.9. Vlasnik, odnosno korisnik poslovnog objekta treba tokom godine da obezbijedi minimalno četiri uzorkovanja otpadnih voda iz okna za monitoring, shodno članu 9. i 11. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).

Kontrola kvaliteta ispuštene tehnološke vode u javnu kanalizaciju, vršit će se u oknu za monitoring (tačka 2.5. ovog rješenja).

Na osnovu četiri uzorkovanja otpadnih voda korisnik poslovnog objekta treba sačiniti završni (godišnji) elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoringa) i rezultatima monitoringa i isti mora biti urađen u skladu sa Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije («Službene novine Federacije BiH», broj 50/07).

Elaborat o ispitivanju kvalitativnih i kvantitativnih karakteristika efluenta može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 132. stav 1. Zakona o vodama («Službene novine Federacije BiH» broj 70/06) i Pravilnika o uslovima

koje moraju ispunjavati ovlaštene laboratorije, sadržini i načinu izdavanja ovlaštenja («Službene novine Federacije BiH» broj 54/99).

3. Smještaj nafte i naftnih derivata vrši se u ukopanim dvoplašnim čeličnim rezervoarima ukupne zapremine **403 m³**.
4. Vlasnik odnosno korisnik objekta je obavezan vršiti plaćanje posebne vodne naknade za ispuštanje otpadne vode u skladu sa Zakonom o vodama («Službene novine Federacije BiH» broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH» broj 92/07).
5. Ukoliko radom predmetnog poslovnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
6. Prava stečena po ovoj vodnoj dozvoli ne mogu se prenositi na treća lica.
7. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **1 (jedne) godine** od dana izdavanja ovog rješenja, odnosno ova vodna dozvola vrijedi do **30.11.2010. godine**.
8. **Ova vodna dozvola prestaje da važi ukoliko korisnik iste u roku od 3 (tri) mjeseca, ne ispuni zahtjeve definisane tačkama 2.1., 2.2., 2.3., 2.4. i 2.5. ovog rješenja.**
9. Korisnik vodne dozvole «TRGO SANTOVAC» d.o.o. Srebrenik je dužan da prije isteka važnosti ove vodne dozvole zatraži njeno produženje ili podnese zahtjev za izdavanje nove vodne dozvole.

O b r a z l o ž e n j e

«TRGO SANTOVAC» d.o.o. Srebrenik se pismenim zahtjevom od 03.11.2009. godine obratio ovoj Agenciji tražeći izdavanje vodne dozvole za ispuštanje tehnoloških otpadnih voda poslovnog objekta benzinske stanice sa pratećim sadržajima izgrađene u naselju Špionica Gornja na zemljištu označenom kao k.č. broj: 349 i 350/1, upisano u K.O. Špionica Gornja, općina Srebrenik.

U provedenom postupku dostavljena je i pregledana slijedeća dokumentacija:

- Kopija rješenja o registraciji u sudski registar, kod subjekta upisa «TRGO SANTOVAC» d.o.o. Srebrenik, broj: 032-0-Reg-07-001846 od 26.02.2008. godine izdato od strane Općinskog suda u Tuzli.
- Kopija uvjerenja o registraciji/upisu u Jedinostveni registar obveznika indirektnih poreza na dodanu vrijednost za «TRGO SANTOVAC» d.o.o. Srebrenik, broj: 04/1-17-54-319-11/08 od 21.05.2008. izdata od strane Uprava za indirektno – neizravno oporezivanje Banja Luka.

- Kopija vodoprivredne saglasnosti broj: UP-I-07-337-4308/97 od 26.11.1997. godine izdatu od strane Federalnog ministarstva poljoprivrede, vodoprivrede i šumarstva. Rješenje je izdato za prevnog subjekta «RIMCO» d.o.o. Gornji Rahić Brčko čiji je pravni sljedbenik «TRGO SANTOVAC» d.o.o. Srebrenik.
- Kopija rješenja kojim se odobrava legalizacija broj:08-361-9/98 od 16.03.1998. godine izdato od strane Opštinskog sekretarijata za prostorno uređenje i stambeno-komunalne poslove, općine Srebrenik. Rješenje je izdato za prevnog subjekta «RIMCO» d.o.o. Gornji Rahić Brčko čiji je pravni sljedbenik «TRGO SANTOVAC» d.o.o. Srebrenik.
- Kopija rješenja kojim se odobrava upotreba poslovnog objekta benzinske stanice sa pratećim sadržajima, broj: 08-360-11/98 od 22.06.1998. godine izdato od strane Opštinskog sekretarijata za prostorno uređenje i stambeno-komunalne poslove, općine Srebrenik. Rješenje je izdato za prevnog subjekta «RIMCO-SANT» d.o.o. Špionica - Srebrenik čiji je pravni sljedbenik «TRGO SANTOVAC» d.o.o. Srebrenik.
- Kopija rješenja o ekološkoj saglasnosti, broj: 12-07/2-23-3490NS-2/02 od 31.05.2002. godine izdato od strane Ministarstva prostornog uređenja i zaštite okolice. Rješenje je izdato za prevnog subjekta «RIMCO-SANT» d.o.o. Gornji Rahić Brčko čiji je pravni sljedbenik «TRGO SANTOVAC» d.o.o. Srebrenik.
- Kopija rješenja vodne dozvole za «TRGO SANTOVAC» d.o.o. Srebrenik, za korištenje vode i ispuštanje sanitarno-fekalnih otpadnih voda za potrebe izgrađenog poslovnog objekta – benzinske stanice sa pratećim sadržajima, izdata od strane Ministarstva poljoprivrede, šumarstva i vodoprivrede Tuzlanskog Kantona, broj: 04/1-13-25-738/09 od 13.04.2009. godine.
- Kopija ugovora, broj: 048-01/09 od 21.10.2009. godine sklopljen između «TRGO SANTOVAC» d.o.o. Srebrenik i «KEMIS-BH» d.o.o. Lukavac, o skupljanju, skladištenju i zbrinjavanju opasnog otpada.
- Elaboratu o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «TRGO SANTOVAC» d.o.o. Špionica, benzinska stanica Špionica, urađen od strane «SODASO HOLDING» Tuzla – Institut za hemijsko inženjerstvo Tuzla..

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku, uvjetima, i načinu izdavanja i čuvanja vodnih akata («Službene novine Federacije BiH», br.06/08), izvršen je obilazak predmetnog poslovnog objekta i tom prilikom je sačinjen zapisnik o uviđaju broj: UP-I/25-3-40-423-3/09 od 23.11.2009. godine.

Na osnovu provedenog postupka konstatuje se da je podnosilac zahtjeva «TRGO SANTOVAC» d.o.o. Srebrenik ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama («Službene novine Federacije BiH», broj 70/06) i članom 21. i 22. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08), te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

**Po ovlaštenju
Rukovodilac sektora za
izdavanje vodnih akata**

Nedžad Vilić, dipl.inž.građ.

Dostaviti:

- «TRGO SANTOVAC» d.o.o. Srebrenik
Špionica bb, Srebrenik
- Federalno ministarstvo poljoprivrede
vodoprivrede i šumarstva, Sarajevo
- FU za insp. poslove, vodna inspekcija
- AVP Sava, ISV-vodna knjiga
- Sektor 50
- Sektor 40-arhiva